

## Universitätsbibliothek Paderborn

### Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. X. Nationum omnium consensu ostenditur homines esse in agendo  
liberos.

**urn:nbn:de:hbz:466:1-13718**

VII.  
Dicitur De-  
meriti cir-  
ca arbitrii  
libertatem.

Fatetur Cal-  
vinus Philo-  
sophos agno-  
ris liberum  
hominis ar-  
bitrium.

VIII.  
Libertatem  
indifferentiam  
qua Aristote-  
licam re-  
jecti Janse-  
nius.

Lumen na-  
turae notum  
est dari in  
hominibus  
libertatem  
indifferen-  
tiae.

IX.  
Duo in ho-  
mine distin-  
guenda, na-  
tura, & gra-  
tia.

Ad quid de-  
seriat Philo-  
sophorum  
antiquorum  
lectio.

X.  
Quae tradidit  
Philosophi  
sunt Theolo-  
go utilissima

Philosophi-  
cas discipli-  
nas non im-  
probabunt  
sancti Pa-  
tres.

Hanc itaque Philosophorum de libertate homini-  
num in operando sententiam concludam pulcher-  
rimo Democriti Philosophi dicto: *Si, inquit,*  
*corpus animum in jus vocare, haudquam futurum*  
*est, ut ille muneris male administrati crimen effugeret;*  
*animus quippe in corpore velut in presidio collocatus est,*  
*& tamen plerique mala corpori ab animo venient, que*  
*nibilominus is arbitrio potestate vitare posuerit.* Hac  
Democritus. Neque negat Calvinus cum suis Philo-  
sophos passim liberum hominis arbitrium pro-  
pugnasse: eorum tamen hac in re sententiam non  
magnopere curandam afferunt sectarii: nec mirum;  
qui enim Sanctos Ecclesiae Patres, ut supra vidi-  
mus, hominis libertatem affuentes exhibilarent,  
quid mirum si explodant Philosophos?

Calvinum, ut in aliis plurimis, ita & in hoc se-  
cutoris Jansenius fatetur libertatem indifferentiam ab  
Aristotele & Philosophis defendam fuisse, & vel  
hoc nomine rejiciendam pronunciat, quod à Phi-  
losophis sit derivata: eam proinde quasi per con-  
temptum Aristotelicam, & Philosophicam appellat.  
At parum sancte prudentes; nec enim ideo pe-  
jor est ea libertatis acceptio, quod à Philosophis  
usurpetur, sed pluris potius facienda, nec parum  
inde ei accrescit momenti. Cum namque à tot vi-  
ris, omni fidei lumine destitutis, communis con-  
senus tradatur, signum est, vel ipso naturae lumine  
omnibus insitum esse, voluntatem nostram nullo  
necessitatibus vinculo constrictam teneri, sed in agen-  
do sui juris esse, posseque se in quamcumque velit  
partem suo arbitrii inflectere. Si autem propterea  
rejiciendam censcat Jansenius libertatem indif-  
ferentiam, quod ab Aristotele doceatur, eadem  
operâ negat animal rationale esse definitionem ho-  
minis, cum ab Aristotele similiter tradatur, dicat-  
que Jansenius esse hominem Philosophicum.

Duo itaque in homine distinguunt hodie Theolo-  
gi, & ante eos distinxerunt Sancti Patres, Natu-  
ram scilicet & Gratian, quidque illa sine hac praefare possit, quid non possit, & quo pacto gratia  
naturam perficiat, accuratè inquisiverunt. Ad ea  
ergo, que naturae vires per se præstare possunt,  
cognoscenda, quid mere naturae cùm sint, non  
utilis est antiquorum Philosophorum industria, ut  
potio qui, & præstanti erant ingenio, & totam  
vitam in hujuscemodi rerum perveftigatione po-  
nentes, eximiam earum notitiam sunt adepti, præ-  
fertim Aristoteles, ob singularem naturalium re-  
rum scientiam, naturae à secretis dictus: de quo  
proinde merito affirmari posset, à nullo homini-  
num in hoc genere sciri, quod Aristoteles ne-  
sciret.

Non ergo inutiliter que hi circa voluntatem  
hominis observarunt, à Theologis usurpantur, ut  
natura imbecillitate, ac mutabilitate perspecta,  
quanta gratia præstantia, quanta ejus, ad bene-  
congrueque ad salutis ademptionem operandum, sit  
necessitas dignoscatur; quo pacto, inquam, natura  
ex se nihil, omnia possit in eo qui illam confortat.  
Nullus proinde vitio cuiquam vertendum jure ex-  
istimaverit, si hæc interdum Theologicis Disputationibus inserat. Neque id unquam improbarunt  
Sancti Patres, quanvis in Sophisticam, inanesque  
quorundam cavillationes nonnunquam inveniuntur.  
Nec existimet quisquam, hæc Theologiam, sacra-  
que scientia majestatem dedecere, illis enim po-  
tius dignitatem augent, dum Philosophiam ancil-  
lari ei quodammodo, obsequiumque veluti quad-  
dam, & famulatum præstare ostendunt. Tandem  
quædam ex profanis scriptoribus decerpta, ad tra-  
ctatis de rebus sacris ornandos illustrandoque al-

fumere, est quasi ex spoliis Ægyptiorum edificare  
templum Deo viventi.

## SECTIO DECIMA.

Nationum omnium consensu often-  
ditur homines esse in agendo  
liberos.

**D**IVINI in primis Verbi Conciliorumque te-  
stimonii, Patrum infuper, Orbis lumi-  
num auctoritate, Philosophorum denique id uno  
ore afferentum dictis ostendi, dari in hominibus  
libertatem, integrumque cuique in operando esse,  
in quam se cunque velit partem inflectere.  
Nunc etates omnes ac nationes obeamus, sum est dari  
videbimusque mira cunctas in hoc confensione  
conspirasse, ipsiusque adeo naturæ hanc vo-  
cem esse; ut, quisquis obloquitur, naturæ se  
obloqui intelligat, suamque vocem illius voci an-  
teponere.

Quid ergo aliud probat communis illa Univer-  
si totius consuetudo, qua Urbs omnis ac Repu-  
blica, & quivis hominum cœtus, aliquem semper  
eligit, qui ceteris cum potestate præsit, suaque  
auctoritate ceteros in officio, & intra aquit re-  
ctique fines contineat: cui alias etiam adjungi-  
mos est, quorum operâ, ubi res ita postulat, in  
deliberationibus utatur, communisque consilio  
quid factò opus sit decernant: quid, inquam,  
hoc aliud probat, quā homines sui juris esse,  
& in agendo liberos. Ad quid enim Magistratus,  
virisque in dignitate constituti, si nec penes ipsos  
sit, quæ publicè civium bono expedire judicant,  
præcipere, nec penes subditos parere, & quæ ju-  
bentur exequi, sed necessitate nescio quā agantur  
potius homines, quām agant, & in opus quod-  
cumque præcipites ruant. Ad quid etiam tot deli-  
berationes & consilia, matrūque inter res varias  
estimatio, si integrum homini non sit, quod om-  
nibus perpenitus optimum factu judicat, quodque  
ad finis intenti adceptionem conducere cenlet, Aristoteles  
eligere. Quare Aristoteles inanem iis de rebus à Ethicis  
deliberationem esse docet, quæ necessariò eve-  
niunt; consultationemque, ad electionem tantum  
liberam afferit requiri.

Hominis infuper libertatem non minus aperte  
ostendit mos ille, qui omnis semper etate viguit, Ex premis  
quo scilicet cunctæ per Orbem nationes, tum preposoli-  
tis arguitur  
adhortationibus, tum etiam premis homines ad  
virtutem, & præclarissima quæque, admotis veluti  
calcaribus incitabant. Jam vero, ad quid tot ad  
virtutem stimuli, tot ad res maximas honestissi-  
mæque incitamenta, si libera hominibus potestas  
non sit, vel illam, vel hec amplectendi. Sancti  
frustra Praceptor in Scholâ discipulos ad literas  
& pietatem; frustra in Templo Concionator po-  
pulum ad morum emendationem; frustra Orator  
in foro vel curiâ Judices ad manufactudinem &  
clementiam; denique frustra Imperator in acie  
milites ad manus strenuè cum hoste conserendas,  
victoriæque reportandam hortatur, si in ho-  
rum potestate non sit ea, ad quæ incitantur, per-  
ficere, & dictis obsecundare. Frustra, inquam,  
hæc omnia sunt, si hominibus non sit libertas:  
furdo enim canit, qui consilio, variisque ad-  
ductis rationibus ad id aliquem impellere nitit,  
ad quod præstandum non habet facultatem.

I.  
Sacra-  
rum  
Literarum  
Conciliorum  
Patrum, ac  
Philosopho-  
rum auto-  
ritate often-  
ditur homines esse  
liberos.

II.  
Communi-  
Orbis con-  
suetudine  
often-  
ditur homines esse  
liberos.

Sublatâ li-  
bertate ina-  
nes sunt de-  
liberationes  
& consilia.

III.  
Ex premis  
adhortatio-  
nes, si non  
sit libertas.

TOMVS I. 392 Disp. LXXXV. De libertate voluntatis. Sect. X.

IV.

*Ex pœnæ  
male agen-  
tibus infi-  
guntur  
solutus argui-  
tur liber-  
tati.*

Deinde, Libertatem seu vim agendi pro libito & non agendi, nobis inesse, clare contrario demonstratur ex pœnis & suppliciis ob scelera hominibus infligi solitis, quæ in justissimæ planè farent, si flagitia, non ex liberâ voluntatis cœlitione, sed necessariò fierent, ita ut in facientis potestate non sit ab eorum se perpetratione cohære. Hoc idem ostendunt laus & commendatio ex bonis, dedecus & vituperium ex malis operationibus procedentia: haec, inquam, aperte indicant, operations hæc, non ex necessitate, sed ex liberâ voluntatis determinatione præstari.

V.

*In actionibus  
civilibus co-  
cedunt aliquæ  
libertatem  
negant in  
factu.*

Hæc meo iudicio evidenter adeo hominis libertatem demonstrant, cumque in operando sui juris esse, ut nullus sanæ mentis de cœdubitare possit. Quare fatentur tandem nonnulli, respectu illarum actionum, quibus Magistratus, ac Legislatori civili obtemperatur, liberum hominibus inesse arbitrium, plenamque operandi, & ab omni se operatione cohibendi facultatem, idque ex pœnis convinci aint, legum transgressoribus statutis; quæ, inquit, salvæ æquitate infligi iis non possent, nisi ita leges violent, ut in eorum potestate effet easdem servare, & opera per quæ violentur omittere. Ad illas itaque solummodo actiones hi libertatem negant, quæ ad æternæ vitæ vel acquisitionem, vel amissionem pertinent.

VI.

*Sola libera  
actiones, pra-  
enii ac pœna  
sunt merito-  
ria.*

At quis non videt, quam parum hæc rationi sint consentanea? Opera nimurum, quæ non ex liberâ cœlitione procedunt, sed ad quæ necessariò homines, & impetu quodam ac pondere rapiuntur, nullius ponderis sunt ad exiguum illud præmium, quo homines ab hominibus donantur, nec sufficientem ad hoc habent honestatem, & habeunt ad immensum illud gloriæ pondus, quod à

P. strum con-  
siderat la-  
guantur  
nonnulli.

summo Legislatore Deo, præmii loco conferetur, cuius comparatione nihil cœseri debet, quicquid à mortalibus tribui potest? Item nullum ab hominibus perpetratum facinus, nisi ex pleno & libero animi consensu, secundum hos meretur supplicium temporale, merebitur ergo æternum, gravissimosque illos cruciatu, quorum acerbitas tanta est, ut respectu eorum pœna omnis temporalis, umbra tantum quædam jure cœseri possit. Hæc sane ita sunt ab omni ratione aliena, ut nullus sibi unquam persuaserit ea serio à quoquam mentis compote affirmari. Latius rem hanc prosecutus sum in Prometheo Christiano Disp. 13. c. 3. ubi moralibus argumentis humanæ voluntatis libertatem suis ostendi.

VII.  
Libertati  
impugnat.  
rei nervi  
confutat.  
Arguitur.

Concludo itaque pulcherrimo Divi Augustini dicto, quod & ad illud de quo hic peculiariter agimus, & universim ad libertatem indifferentiam in hominibus ostendendam, longè est appositissimum: perquæ id S. Doctor in Manichæis, omnes libertatis humanae impugnatores nervosè exagit. Libro ergo de Fide contra Manichei, cap. 9. & 10. sic loquitur: Peccatum, inquit, fit ab anima rationali, cui liberum voluntatis arbitrium est: & pœna infligitur justitiæ Dei, que nibil facit injustitiae. Adversus hæc, solita cœitate latrant Manichei, & cùm convincentur naturam non esse malam, sed in potestate esse frustra de boni facere bene aut male, dicunt non esse anima liberam voluntatem, & non vident cœcitatem suam. & iniquitatem. Quis enim non clamet stultum esse, præcepta dare ei, cui liberum non est, quod precipitur facere; & iniquum esse eum damnare, cui non fuit potestas jussa completere. Hac ergo clarissimâ tanti Doctoris sententiâ, huic de libertate tractatu finem imponam.



DISPV.